

Diadomingo awor apertura di cuartel general di PPN

ORANJESTAD(AAN) -- Durante un conferencia di prensa Eddie Werleman di PPN a enfatisa cu poco poco pero sigur e miembronan di e partido a construi e cede cu ta inversion di mas o menos 21 mil Florin.

E cede lo worde construi den dos fase. Actualmente e prome fase ta cla. Pronto lo cuminsa e fase dos cu ta encera un biblioteca y un oficina di trabao.

E expansion di e edificio segun Werleman ta responde optimalmente na e demanan di funcionamiento decua di un organisacion politico.

Tur reunion di directiva y con-

seho di partido lo tuma lugar den e cede cual segun Werleman ta e cuartel general di PPN. Tambe algun dia den siman lo atende publico.

Werleman a enfatisa cu tin basta interes di parti di hombernan y muhernan pa bira miembro of candidato di PPN.

Pa loke ta presentacion di e lista pa eleccion, Werleman a enfatisa cu conseho di partido di PPN a dicidi cu nan lista pa eleccion lo no surpasa 21 candidato.

Diadomingo 4 di September e inauguracion oficial di e cede lo tuma lugar. Lo tin actuacion di Musical Time, Tipico Los Amigos, Mariachi y cah'i orgel.

